

Gvangjsih Minzcuz Bau

ganhhau: CN45-0036 B.2018 Nd.8 Ng.22 liggaeuq fouhswt nienz ndwencaet cibngeih

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3338期

Hong Gvangjbo Yingjsi Vahcuengh Namzningz Si Cingzcik Yienhda 南宁市壮语广播影视工作成效显著

Geij bi neix daeuj, youq Swcigih Minzcunghvej、Swcigih Sinhvnz Cuzbanj Gvangjdengiz、Swcigih Minzyijvej haeujcoengh lajde, Namzningz Si Vujmingz、Sanglinz、Lungzanh sam aen yienh gih Bouxcuengh comzyouq haenx cungj dawz densi cezmuz Vahcuengh dangguh aen binjbaiz vwnzva Bouxcuengh ndeu daeuj dajcauh, genhciz guh ndei hong gvangjbo yingjsi Vahcuengh, fungfouq neiyungz cezmuz Vahcuengh, cezmuz Vahcuengh caetliengh mboujduenh daezswng.

Bi 2012, Vujmingz Gih daiq-daeuz youq daengx si hoizfuk haiboq gvangjbo densi cezmuz Vahcuengh, baenz diuz roen youqgaenj swncienz、hwngfat gij saehnieb vwnzva vahgangj minzcuz caeuq hwngfat vwnzva daegsaek minzcuz. Seizneix, Vujmingz gvangjbo densidaiz lanzmoeg Vahcuengh gungh miz 《Saehmoq Mbanjcuengh》《Son Mwngz Hag

Vahcuengh》《Fungcingz Mbanjcuengh》《Vahcuengh Gangj Gojgaeq》4 aen lanzmoeg, neiyungz haeujgyawj gij saedsaeh dangdieg, hingzsik hab gij iugouz vunzlai, gij daegsaek deihfueg Bouxcuengh naekgywd ndaej daengz vunzlai haenh.

Bi 2015, Lungzanh Yen hoizfuk haiboq densi cezmuz saehmoq Vahcuengh. Lungzanh Yen Gvangjbo Densidaiz haibanh moq 《Saehmoq Vahcuengh Lungzanh》《Cuhbau Saehmoq Youqgaenj》2 aen lanzmoeg Vahcuengh. 《1028 Lungzanh Vahcuengh Boqlwnh》《Yaem Naz》gvangjbo cezmuz youq FM102.8 cunghab gvangjbo boqok. Seizneix, lanzmoeg densi Vahcuengh Lungzanh Yen cwgoemq 85% doxhwnj vunzlai Bouxcuengh、gvangjbo cezmuz Vahcuengh cwgoemq 90% doxhwnj vunzlai Bouxcuengh.

《Saehmoq Vahcuengh Sang-

linz》densi cezmuz Sanglinz Yen youq dingz boq 5 bi le, youq bi 2015 hoizfuk haiboq, lanzmoeg cwgoemq yienhsingz caeuq daengx yienh 11 aen yanghcin 998 aen mbanj. Linghvaih, Sanglinz Yen mboujduenh vatcimh gij cezmuz Vahcuengh gig miz daegsaek haenx, gyalai densi cezmuz Vahcuengh 《Gijgwn Ndei Mbanjcuengh》《Dwzcanj Sanglinz》《Fwen Yinx》, ndaej daengz beksingq Bouxcuengh haengjgyaez.

Bi 2016, youz gij ngaenzcienz hanghmoeg Namzningz Siveij Senhconzbu haeujcoengh, Namzningz Si Minzvej、Si Vwnzsinghvangjgiz、Si Minzyijvej doengzcaeuz cujciz haiguh “bak ciengz denyijng Vahcuengh haeuj lajmbanj” goeng’ik doxdoeng youq 12 aen yienh(gih)、60 aen segih、mbanj yienh(gih) cuengqingj gak loih daezcaiz benq gojgaeq、benq gohgyau Vahcuengh gungh 100 ciengzbaez. (Veiz Yinjsenz)



Lungzswng: Doxdax Mbaet Mak Angqhoh Fungsou

龙胜:果艺比拼庆丰收

Ndwen 8 ngoenz 17, Lungzswng Gak Cuz Swciyen Gyanghdij Yangh Gyanghdij Cunh haiguh aen hozdung doxdax dinfwnz doxgaiq reihnaz, cingj gak mbanj henzyawj guh langhbaij mak、doxdax gap buenz mak、doxdax dinfwnz mbaetsou makmizhouzdauz, caeziengj gij angqyangz fungsou. Ndaw doz dwg geij dahsau langhbaij makmizhouzdauz.

(Vuz Swngghbinh/吴生斌 Liengz-Yenzyi/梁元义)

Ngaizbakranz Dungcuz Baij Daengz Lenzhozgoz 侗族百家宴摆到联合国

Ngaizbakranz Dungcuz Sanhgyangh、byaraemx Dahlizgyangh、Bwzhaij Yinzdanh、ciet max doxdik Yungzsuij、mbanj gyaeananz Bahmaj……Ndwen 8 ngoenz 10, youq gwnz aen hoih doigvangq gaisau lijyouz vwnzva Guengjsae 2018 “byaij doh lajmbwn·sim gyaenz Guengjsae” Niujoyz Lenzhozgoz Cungibu banh haenx, ngaizbakranz Dungcuz baenz gij yawjdiemj haiciengz ndawde diemj ndeu, caemhcai ndaej daengz bak lai bauxhek camgya aen hoih haenx haenhndei.

“Ngaizbakranz” dwg gij laex ceiq sang Dungcuz daihhek, caemh-

caiq miz gij gangifap “gwn ngaizbakranz、lienz sim bak ranz、gyaep sez bak cungj、baenz saeh bak yiengh”. Moix daengz mwh mbanj caeuq mbanj dox baedauq roxnaeuz miz bauxhek daeuj cungj, daengx mbanj gak ranz couh gag bwh haeux byaek laeuj, caez daengz diegbingz ranzgijlouz baij daiz yiengh cih “1”, bauxhek ndaej daj daiz daih’it gwn daengz daiz ceiq byai, youq mwh gwn ngaiz gyau baengzyoux、gwn liux ngaizbakranz、lienz sim bak ranz.

Geij bi neix daeuj, Sanhgyangh Dungcuz Swciyen haenqrengz haiguh hong lijyouz banggunz, caemhcai dawz ngaizbakranz、foux aenvenz

caijdangz、dohyeh daengj vwnzva minzcuz Dungcuz gig miz daegsaek minzcuz haenx yungzhaeuj lijyouz bae, hwngfat youzcet daejniemh vwnzva minzsuz, ndaej daengz gyoengq bauxhek ndaw guk rog guk haengjgyaez. Ciuq cam rox, bi 2018 ndwen 1 daengz 7, Sanhgyangh lijyouz cungjsoq vunz daengz 562.6156 fanh vunzbaez, lijyouz ndawbiengz cungjsouhaeuj 419995 fanh maenz; ndawde rog guk lijyouz cungjsoq vunz 13.0944 fanh vunzbaez, rog guk lijyouz cungjsouhaeuj 4940 fanh meijyen.

(Cuih Haijdungh)

SIUSIK DINJ

简讯

● Ndwen 8 ngoenz 13, Fuzsuih Yen Sanhhih Cin Gunhlunz Cunh banh aen vanjvei vwnzyi ciendaenz senhconz fapguek, gyoengq bouxyienj yungh gij biujyenj ndeiawj caeuq gij cezmuz haeujgyawj saedceij vunz-lai haenx senhconz fapguek, hawj vunzlai lailai roxyiuj neiyungz fapguek. Vanjvei yienhciengz, bouxguhong gungh fat fapguek senhconz swhliu、doxgaiq 300 lai faenh hawj gyoengq vunzlai.

(Moz Sinhnhungz)

● Laizbinh Si Hinghbinh Gih hong ciubing seizcou bi 2018 cingq miz bouhloh haiguh, seizneix gungh miz 2531 baux doenggyaq gwnz muengx bauqmingz dangbing, miz 1404 baux bae daengz Aen Camh Dijgenj Ciubing Hinghbinh Gih guh dijenj, soqvunz habgek miz 385 baux, ndawde daihagseng soqvunz 101 baux.

(Banz Sezboh)

● Vih gyagiengz caeuq ranzgungzhoj doxgyau cingzgamj, daezsang lai roxyiuj cwngecwz, gyagiengz saenqsim vut gungz baenz miz, bineix doxdaeuj, Ginh-siu Yauzcuz Swciyen doenggyaq hailaeb dangigo iq、dangzgoq gyang reih gyang naz、soengq heiq roengz mbanj daengj hingzsik haiguh gangj cwngecwz cinjcing banggunz bang bauxguhnaez leih bauxguhnaez fouq bauxguhnaez 600 lai ciengzbaez, 7000 lai ranz ranzgungzhoj camgya hagsib, cwgoemq cingzsoq daengz 80% doxhwnj.

(Cinz Haijcingh)

● Bineix doxdaeuj, Denhngoz Yen Luzbaiz Cin giethab gijndeiz swhyenz diegnamh mbanjgungzhoj, gaenmaenx sonyinx ranzgungzhoj dangdieg hwngfat ndaem byaekheu、ywdoj daengj banggunz daegsaek canjnieb, haenqrengz cuknet gij giekdaj vunzlai gungzhoj. Doengzseiz, giethab hawciengz aeuyungh, sonyinx aen giyez lingxdaeuz caeuq nungzhoh ciemdingh “gunghsw + gihdi + byauhuncunja + nungzhoh” dinghdan swngchcanj habdoengz, yungh gyaqcienz baujhoh roxnaeuz gyaqcienz sang gvaq hawciengz soucawx doxgaiq nungzhoh. Daengz seizneix, aen cin neix gungh ndaem ywdoj 810 moux, byaekheu 530 moux, ndaem raet 100 fanh gaiq.

(Denz Siyenj)